

Protocol fat bun da la radunanza cumünala dals 17 december 2009

Protocol da la radunanza cumünala dals 29 settember 2009, acta 5

Preschaintas: 27 personas

Il capo constata cha la radunanza saja gnüda convochada in basa a nossa constituziun cumünala e dumonda sch'inchün haja da far objecziuns. Sainza chi vegnan fattas objecziuns, vegnan nominats seguaints scrutinadurs: Josef Sedlacek ed Erich Schweizer.

Tractandas:

1. Protocol da la radunanza cumünala dals 17 settember 2009, acta 4

L'actuar prelegia il protocol da l'ultima radunanza cumünala. Il protocol vain approvà.

2. Credit brüt da fr. 75'000.-- (net 21'000.--) - Sanaziun via d'Uina

Il silvicultur cumünal orientescha in detagl sur dal proget previss. I vain adattà la via d'Uina cun ün surpassagi ed al istess mumaint vain refat la serra chi protegia la lingia d'aua da baiver. Il proget vain subvenziunà dal Chantun cun 72 %.

La radunanza cumünala decida in scrutin serrà da far bun il credit cun 25 cunter 0 vuschs.

Sanaziun via d'Uina,
credit brüt da fr. 75'000.--
(net 21'000.--)

3. Varia

1. Mas-chalch

Üna votanta remarcha ch'aint l'ultim Mas-chalch d'eira gnü publichà d'üna persuna privata ün inserat da 2 paginas cun fotografias. Tenor ella saja quai püra recloma ed exagerà. Il Mas-chalch es qua per publicaziuns ufficialas. Eir oters votants sun da quell'idea.

Il capo piglia l'intimaziun incunter ed orientescha chi detta adüna darcheu glied privata chi publichescha, cunter pajamaint, infuormaziuns o inserats. Il Cussagl cumünal trattarà la chosa e prouva da chattar a regard publicaziuns privatas aint il Mas-chalch üna soluziun cuntantaivla.

Varia

2. Protocol

Ün votant remarcha ch'aint in ün protocol dal Cussagl cumünal s'haja pudü leger l'opiniun da sar Bonavia a regard la previssa ledscha da 1. e 2. abitaziuns. Ün oter cas percunter nun es gnü publichà.

Il capo orientescha chi detta tschertas robas chi nu pon, causa sgürezza da datas, gnir publichadas. El piglia incunter la remarcha e disch ch'in avegnir gnaraja publichà plü precaut las trattativas dal Cussagl cumünal.

Fin da la radunanza: 20.50

L'actuar: